





117  
248  
9

論語徵集覽卷之九

魏



何晏

集解

宋

朱熹

集註

大日本

藤維楨

古義

物茂卿

徵

從四位侍從源賴寬

輯

子罕第九

子罕言利與命與仁

古罕者希也利者義之知也命者天之命也  
仁者行之盛也寡能及之也  
新罕者希也利者義之知也命者天之命也  
理微也





孔子曰堯曰篇  
又曰里仁篇

古不可者希言焉。言利則不義。然利國利民之事則不可不也。德大矣。驟告之則必生輕忽之心。故皆罕言之也。夫子之謹教而尊德也。如此。或曰論語諸章言及於仁者甚多矣。而今稱罕言者何也。蓋觀詩書執禮皆夫子所雅言。而今稱罕言者何也。蓋觀詩者亦多矣。至於言仁則門人弟子謹錄而備記之。可知也。

**徵**子罕言利。絕句。與命與仁。蓋孔子言利則必與命俱。必與仁俱。其單言利者。幾希也。舊註利命仁。皆孔子所罕言。是八字一句。中間不絕。失於辭矣。且聖人之道。安民之道也。而敬天為本。故孔子曰。不知命。無以為君子。又曰。君子去仁。惡乎成名。是命與仁。君子所以為君子。孔子豈罕言之哉。何晏

舜三事書大禹  
易文言

小人喻於利  
仁篇

以來諸儒。不得於辭而強為之解。不可從矣。至於程朱。謂命為天道賦物之理。仁為本心之德。以成其罕言之義。是自其家學。古時所無也。夫聖人安民之道。天下莫利焉。舜三事。利用厚生居其二。易大傳曰。以美利利天下。不言所利。大矣哉。而孔子罕言者何。蓋聖人智大思深。能知真利之所在。於是為天下後世建之道。俾由此以行之。後王後賢。遵道而行。不必求利。而利在其中。若或以求利為心。凡人心躁智短。所見皆小利耳。其心以為利。而不知言從之。故孔子曰。君子喻於美。小人喻於



放於利而行里  
仁篇  
無見小利子路  
篇

利。又放於利而行。多怨。又曰。無見小利。大學曰。不以利為利。以義為利。夫心躁則不知命。智短則不知仁。舍命與仁。唯利是視。所以蹈禍。故孔子與命與仁。立之防也。原思琴張之徒。熟視而深識之。所錄如此章。豈後世所能及哉。世有以此章與孟子梁惠王首章並按。嚴於義利之辨者。甚乃至以大學以義為利。謂戰國術士啗人以利之言。妄哉。如孟子時。百家競興。以功利立說。故孟子應聘初謁之日。以此一言。杜絕管商之流。以明唐虞三代之德。要之爭宗門之言。是孟子所以為儒家者流。

安富尊榮孟子  
盡心篇

之祖。非復孔子之舊也。大學之言。果啗人以利乎。則孟子亦何曰。安富尊榮。安富尊榮。非利而何。夫天下熙熙。為利而來。凡人之大情也。人之為道而遠人。豈足以為道乎。道而不利民。亦豈足以為道乎。孔子所以罕言之者。所爭在所見大小。而非聖人之惡利也。且所謂義者。先王之古義也。後世儒者不知道。又不知義。而謂道者當行之理。義者心之制事之宜。是其所謂道義。皆取諸其臆。不過其所創。天理人欲之說耳。是其源。佛老之習。淪於骨髓。視人若達磨。惠能。乃曰。唯見義理所在。而利。



害非其問焉。其究必至於離世絕物。槁死於山林。而後充其蚯蚓之操。悲哉。是又讀此章者所當識也。

達巷黨人曰：大哉孔子！博學而無所成名，子聞之謂

門弟子曰：吾何執？執御乎？執射乎？吾執御矣。

古鄭玄曰：達巷者，黨名也。五百家為黨。此黨之人美孔子博學道藝不成一名而巳。鄭玄曰：聞人美之承之以謙吾執御。

欲名六藝之卑也。新達巷黨名其人姓名不傳。博學無所成名。蓋美其學之博而惜其不成一藝之名也。執專執也。射御皆一藝而御為人僕所執尤卑。言欲使我何所以成一名乎？然則吾將執矣。聞人譽己承之以謙也。達巷黨人見孔子道全而德備，不可以偏長目之也。

其不以一善得名於世，蓋慕聖人而不知者也。故孔子曰：欲使我何所執而得為名乎？然則吾將執矣。

御矣。御其不以一善得名於世，蓋慕聖人而不知者也。故孔子曰：欲使我何所執而得為名乎？然則吾將執矣。

古義鄭氏曰：達巷者，黨名也。五百家為黨。此黨之人見孔子博學道無一名之聞于世，而歎其廣大也。執專執也。射御皆一藝而御最卑。其言執御者蓋反言以見道無可執也。道無成體德無成名，故知也。道者雖極天下之博，而不敢自有其道，知其無窮也。蓋得於內者愈深，則其形於外者愈泯。然無

蹴凡聳人之觀聽，勝人之口說者，皆有所未至也。夫子稱堯曰：蕩蕩乎民無能名焉。亦夫子自道也。達巷黨人所稱夫子者，惟止於博學無所成名之間。而至於聖人之所以為聖人者，則不知形容亦宜矣。

**徵**鄭玄曰：達巷者，黨名。後註家因之，然曰巷曰黨。

達巷豈黨名乎？如儀封人封人是官，夕其人以官



行。故不著姓名。黨人豈官名。亦豈與春秋人微者一例乎。且其人能知孔子。豈容沒姓名。蓋疑達巷是姓。黨人是名。春秋蔡桓侯名封人。鄭語字子人。齊懿公名商人。又有賓媚人。魯有公冉務人。陳有公孫佗人。臧孫氏有漆雕馬人。列子有伯昏瞀人。可以例焉。大哉孔子。博學而無所成名。其人能知孔子而贊之也。何註美孔子博學道藝。不成一名而已。得之。尹彥明曰。見孔子之大。意其所學者博。而惜其不以一善得名於世。蓋慕聖人而不知者。也可謂臆見已。果爾。何曰大哉。大氏宋儒以知聖

人自負。而不與人知。聖人必欲見貶意。此見一生其心不平。其失於辭者。不亦宜乎。且當時所謂博學。豈後世胸藏二酉之謂乎。止謂博學道藝。故孔子承之以射御。韓愈未出。儒者尚不失古。孰謂朱子勝何晏乎。執御執射。如執禮執經之執。謂以一藝自名而教人者也。後世昧古言。何朱皆不識其義。故不穩。執禮見戴記。執經見開元禮。孔子於六藝而取乎射御。於射御而又取乎御。蓋禮樂道之大者。君子之事。故謙不敢當。書數府史胥徒所先。故君子不任。是其所以取乎射御也。而射義曰射



者射為諸侯也。是以諸侯君臣盡志於射。以習禮樂。曲禮曰：問大夫之子，長曰能御矣，幼曰未能御也。少儀曰：問國君之子，長幼，長則曰能從社稷之事矣，幼則曰能御。未能御，是古者以御為子弟之職。孔子亦自言執御以為子弟之師耳。

子曰：麻冕，禮也。今也純，儉吾從眾。拜下，禮也。今拜乎

上，泰也。雖違眾，吾從下。

古孔安國曰：冕，緇布冠也。古者績麻三十升布，以為之。純，絲也。絲易成，故從儉。王肅曰：臣之與君行禮者，下拜。然後成禮。時臣驕，泰故於上拜。今從下禮之恭也。  
新麻冕，緇布冠也。純，絲也。儉，謂省約。緇布冠，以三十升布為之。升，八十縷則其經二千四百縷，細密難成。不

密難成，不如用絲之省約。臣與君行禮，當拜於堂。下君辭之，乃升成拜。泰，驕慢也。○程子曰：君子處世，事之無害於義者，從俗可也。害於義則不可從矣。  
古義，麻冕，緇布冠也。純，絲也。緇布冠，以三十升布為之。升，八十縷則其經二千四百縷，細密難成。不  
如用絲之儉，臣與君行禮，當拜於堂。下君辭之，乃升成拜。泰，驕慢也。此章門人記之以明聖人處事  
之權衡也。蓋麻冕，從眾而違禮。拜下，違眾而從禮。其  
一從一違皆道之所在。而聖人之行，變化無方，不  
拘一偏如此。學者所宜潛心也。論曰：先儒曰：事  
之無害於義者，從俗可也。可謂謬矣。夫事苟無害  
於義，則俗即是道。外俗更無所謂道者。故曰：君子  
之道，造端於夫婦，故堯舜授禪從眾心也。湯武放  
伐順眾心也。眾心之所歸，俗而求道哉。若夫外俗  
合於義與否，可矣。何必外俗而求道哉。若夫外俗  
而求道者，實異端之流，而非聖人之道也。

徵吾從眾，吾從下。是孔子深知先王之禮也。蓋禮

孔子曰：魯有初。

禮記

卷之九

五



君子曰禮記禮

雖先王所定。然亦有有義者。有無義者。其無義者。則先王一時從俗者。故今又從俗改之。不為違禮。若其有義者。則不得不謹守之也。故君子曰。先王制禮。而不敢過也。先王制禮。不敢不至焉。仁齋解此章。以為聖人處事之權衡。禮豈事之倫哉。其人之不知禮也。又譏程子事之無害於義者。從俗可也。而曰。事苟無害於義。則俗即是道。外俗更無所謂道。是其人又不知道也。道者古聖人之所建。豈謂世俗所為。即道可乎。亦佛氏法身徧法界之見耳。且所謂從眾者。本謂從儉也。儉謂節用也。禮器

曰。昔先王之制禮也。因其財物而致其義焉。爾。是先王制禮定其度數時。既以財為之節。然世久時移。而古之儉亦有今變為奢者。如麻冕是也。故孔子從眾。為深得於禮。不違先王之心。後儒不知以禮論之。而唯理是言。可謂亂道已。拜下禮也。王肅註。臣之與君行禮者。下拜然後成禮。按邢昺疏。成字上脫一升字。疏云。案燕禮。君燕卿大夫之禮也。其禮云。公坐取大夫所媵觶。與以酬賓。賓降西階下。再拜執觶。公命小臣辭。賓升成拜。鄭註。升成拜。復再拜執觶也。先時君辭之。於禮若未成。然又覲



禮天子賜侯氏以車服諸公奉篋服加命書于其上。升自西階東面。大史是右。侯氏升西面立。大史述命。侯氏降兩階之間。北面再拜。誓首。升成拜。皆是臣之與君行禮。下拜然後升成禮也。朱註。臣與君行禮。當拜於堂下。君辭之乃升成拜。非矣。蓋禮君若不辭之。則再拜。誓首於下而已。君辭之。則既再拜。誓首於下。又升而再拜。誓首於上。朱註曰。當拜於堂下。則似謂君辭之。則不拜於下。止拜於上而已。然本文不言其為何禮。則亦不可識其為何禮。已後世僅於燕禮而得其一二。故王肅援以解。

之。今學者固執其說。而謂孔子語君臣之禮亦鑿矣。

### 子絕四。毋意。毋必。毋固。毋我。

**固**。以道為度。故不任意。用之則行。舍之則藏。故無專必。無可無不可。故無固行。述古而不自作。處群萃而不自異。唯道是從。故不有其身。  
**必**。絕無之。盡者。毋史記作無是也。意私意也。必期必也。固執滯也。我私己也。四者相為終始。起於意。遂於必。留於固。而成於我。又生意則物欲牽引。循環不窮矣。○程子曰。此四字非禁止之辭。聖人絕此四者。可用。禁止。張子曰。母字非禁止之辭。聖人絕此四者。似揚氏曰。非知不足以知聖人。詳視而默識之。不足以記此。  
**古義**。我私己也。此言聖人道全德宏。混融無跡也。滯也。我私己也。此言聖人道全德宏。混融無跡也。

姑曰同  
孟子蓋心蓋下

規壽閣

孟子卷之九

七



無意者事皆自道出而無計較之私也無必者行其所當行止其所當止也無固者唯善是從無所凝滯無我者善與人同舍己從人蓋聖人之心猶天地之變化莫知其所以然也

**徵**母意母必母固母我朱註母史記作無是也此

孟子盡心篇下故曰同

朱子每執母禁止辭故云爾殊不知古書母無通用本無差別也按孟子曰大而化之之謂聖此章乃語化境也不啻孔子凡妙一藝者皆有化境孔子之化其可得見者乃在禮故曰動容周旋中禮盛德之至是此章之義也事至則以禮應之若初不經意故曰母意變則禮從而變前無期待後無固滯故曰母必母固唯有先王之禮而已無復有

何有於我哉述而篇

子思贊孔子中庸言

孔子故曰母我何有於我哉可併証矣大氏一部論語可為後世心學之祖者唯此耳然當孔子時豈有心學哉子思贊孔子曰優優大哉禮儀三百威儀三千鄉黨形容孔子唯禮耳夫孔子之智豈門人之所能測哉故當時之觀孔子皆在禮也故母意必固我以孔子行禮解之而後為不失琴張意焉後世儒者不知孔子之道即古聖人之道古聖人之道唯禮盡之其解論語皆以義理義理無憑猖狂自恣豈不謬乎且動容周旋中禮盛德之至者雖非聖人亦能之故此章所言非贊孔子之



至者。孔子之所以為孔子。乃以其聖德已。學者察諸。朱子解意為私意。猶如其解格物。私字重。意字輕。可謂妄已。解我為私已。私意私已何別。仁齋又以意為計較。夫聖人亦人耳。豈無計較乎。又解無固曰。唯善是從。無所凝滯。解無我曰。善與人同。舍己從人。是無固無我何別。皆專尚知見。而不識聖人之道為禮。故殊致不通耳。何晏解毋意曰。以道為度。故不任意。猶之可矣。毋必曰。用之則行。舍之則藏。故無專必。毋固曰。無可無不可。故無固行。可謂憤憤已。毋我曰。述古而不自作。處群萃而不自

異。唯道是從。故不有其身。此其書實不出一手。故四句三意叢然。而第一句猶為近古。

子畏於匡曰。文王既沒。文不在茲乎。天之將喪斯文也。後死者不得與於斯文也。天之未喪斯文也。匡人其如予何。

**匡**包氏曰。匡人誤圍夫子以為陽虎。陽虎曾暴於匡。夫子弟子顏刻時又與虎俱行。後刻為夫子御。至於匡。匡人相與共識刻。又夫子容貌與虎相似。故匡人以兵圍之。孔安國曰。茲此也。言文王雖已死。其文見在此。此自謂其身。孔安國曰。文王既沒。故孔子自謂後死。此自謂其將喪。此文者本不當使我知之。今使我知之。未欲喪也。馬融曰。其如予何者。猶言奈我何也。天之未喪此文。則我當傳之。匡人能違天以害己也。



**新**畏者有戒心之謂。匡地名。史記云：陽虎曾暴於匡。夫子貌似陽虎，故匡人圍之。道之顯者，謂之文也。蓋禮樂制度之謂。不曰道而曰文，亦謙辭也。茲此也。孔子自謂焉。氏曰：文王既沒，故孔子自謂後死者。言天將喪斯文，我既得與於此文，則是天未欲喪此文也。天既未何言必不能違天害已也。

**古義**朱氏曰：畏者有戒心之謂。匡地名。史記云：陽虎嘗暴於匡。夫子貌似陽虎，故匡人圍之。文者謂先王之遺文，道之所寓也。茲此也。孔子自謂孔子曰：文王既沒，故孔子自謂後死者。言天將喪斯文，不當使我知道之。今已使我知之，則未欲喪之也。馬氏曰：天既未欲喪此文，則匡人其奈我何。言必不能違天害已也。天道福善殃淫，是謂天有必然之理。禍福無不自己求之，是謂人有自取之道。智者信之昏者疑焉。夫子嘗曰：桓魋其如予何。此曰：匡人其如予何。此非好為自矜，亦非姑為自解也。蓋孔子其間生幾多聖賢，然而斯文之傳不在他人。

而獨在孔子，則天之生孔子，其意為如何哉。其愛護保全扶翼佑助之固宜，無所不至矣。天之視聽於我，民視聽其理驗之於人，事可矣。圍於陳蔡，畏之佑聖人，豈不信然。

**徵**文王既沒，文不在茲乎。文者道之別名。謂禮樂也。朱註：道之顯者謂之文，猶之可矣。不曰道而曰文，亦謙辭。夫道之顯者，豈容謙乎。是其意貴隱賤顯，貴精賤粗，依然老莊之遺。故有此言耳。仁齋曰：先王之遺文，道之所寓也。殊不知承文王既沒之文，文王之文，豈遺文之義乎。孔安國曰：文王既沒，故孔子自謂後死者，非也。此孔子對其先輩自謂



耳。並生同學而後死。是謂之後死者。上距文王五百年。豈得謂後死者乎。大氏此章之意。所重在文王之道。天未欲喪文王之道。孔子被害。則文王之道喪。故知匡人不能害我也。解者多歸重孔子。大失孔子語氣。不可不察。

太宰問於子貢曰。夫子聖者與。何其多能也。子貢曰。固天縱之將聖。又多能也。子聞之曰。太宰知我乎。吾少也賤。故多能鄙事。君子多乎哉。不多也。牢曰。子云。吾不試。故藝。

疑孔子多能於小藝。孔安國曰。太宰大夫官名。或吳或宋。未可分也。

德又使多能。包氏曰。我少小貧賤。常自執事故多能。為鄙人之事。君子固不當多能。鄭玄曰。牢弟子云。我不見用。故多技藝。  
新孔氏曰。太宰官名。或吳或宋。未可知也。與者疑辭。太宰蓋以多能為聖也。縱猶肆也。言不為限量也。將殆也。謙若不敢知之辭。聖無不通。多能乃其餘事。故言又以兼之。言由少賤故多能。而所能者鄙事。爾非以聖而無不通也。且多能非所以率人。故又言君子不必多能以曉之。牢孔子弟子。以琴字。子開一字子張。試用也。言由不為世用。故得以習於藝而通之。○吳氏曰。弟子記夫子此言之時。此者其意相近。故并記之。  
古義孔氏曰。太宰官名。或吳或宋。未可知也。太宰見其多能以為聖人也。朱氏曰。縱猶肆也。言不為限量也。將殆也。謙若不敢知之辭。言太宰能知我事乎。我由少賤故多能。而所能者鄙事耳。然若君子之學。豈在於多哉。亦不必多也。鄭氏曰。牢孔子弟子。子牢也。試用也。言孔子自云。我不見用。故多



技藝○吳氏曰弟子記夫子此言之時子牢因言昔之所聞有如此者其意相近故并記之君子固有多能者若周公之多材多藝是也然論其所以為君子者則不在於此何者道德實也多能其餘才又非其好則不必為焉不好之則為其事如無其蓋一則專多則岐專則成岐則敗夫子所以戒其多能者欲學者當專務力於道德而不可馳心於多能也

**徵**夫子聖者與何其多能也何註疑孔子多能於小藝是其意謂太宰疑世稱孔子為聖人故曰夫子世所謂聖人歟果其言之是乎何其多能也此解與太宰知我乎相應孔子聞其譏已而謂太宰可謂善知我也然君子多乎以下殊不相應故不

可從矣朱註太宰蓋以多能為聖此解得之然太宰知我乎知去聲言太宰豈以我為智者故多能邪是不然也吾賤故多能多能非君子所貴焉太宰以聖孔子以智此太宰以智為聖故孔子承之以智不復深辨已固天縱之將聖又多能也固又相喚文法為爾縱束之反作者之謂聖孔子雖聰明睿知文武之道未墜地故未能制作猶如天東之然然天若或縱之必將當制作之任朱註將殆也謙若不敢知之辭非矣吾不試故藝言由間暇故得兼習藝觀牢曰則上論為琴張所錄



子曰吾有知乎哉無知也有鄙夫問於我空空如也我叩其兩端而竭焉

**古**知者知意之知也知者言未必盡今我誠盡孔安國曰有鄙夫來問於我其意空空然我則發事之終始兩端以語之竭盡所知不為有愛也  
**新**孔子謙言己無知識但其告人雖於至愚不敢不盡耳叩發動也兩端猶言兩頭言終始本末上下精粗無所不盡○程子曰聖人之教人俯就之若此猶恐衆人以爲高遠而不親也聖人之道必降而自卑不如此則道不尊觀於孔子孟子則可見矣尹氏曰聖人之言上下兼盡即其近衆人皆可與知極其至則雖聖人亦無以加焉是之謂兩端如答樊遲之問仁知兩端竭盡無餘蘊矣若夫語上而遺下語理而遺物則豈聖人之言哉  
**古義**空空無所不盡也夫子謙言己無知識但言終始本末無所不盡也

其告人雖至愚不敢不盡耳聖人仁天下之心固無窮矣推其心蓋思一夫不入於善猶己拒之而不誨故鄙夫之空空猶竭盡其所知不敢有所隱也至也而夫子以生知之聖亦曰吾有知乎哉無見故實知道者蓋物外無道外無物無內外無也吾有知者自有其知以其無有可有者故曰吾有知乎哉無知也哉論曰舊註載程子曰聖人之道必降而自卑不如此則人不親賢人之言則引而自高不如此則道不尊愚以爲非也苟如其說則聖賢之待人皆以偽而不以誠也豈謂之無意乎豈謂之直道乎蓋聖人之心猶天地之大人之在於其中而不知其大也非降而自卑也賢者之行猶泰山喬嶽自守其高耳非引而自高也此賢者之所以也  
**徵**吾有知乎哉無知也知去聲何註知者知意之知也知者言未必盡今我誠盡孔曰有鄙夫來問



憤悱四句述而篇

於我其意空空然。我則發事之終始兩端以語之。竭盡所知。不為有愛。可謂善解古文辭已。蓋孔子平日答門弟子之問。不憤不啟。不悱不發。舉一隅。不以三隅反。則不復也。門弟子或以夫子為隱。故孔子又有此言。大氏自智者。多愛惜其所知。不欲輒告諸人。孔子自言我豈有自智之心。而惜其所知哉。鄙夫問於我。則竭兩端。門人則否。教誨之道也。吾有知乎哉。無知也。如朱子解。豈難事哉。何晏何故作此迂曲解。當知是古來相傳之說。古時之言。蓋有之。宋儒不識古文辭。又蔑視漢儒。故弗察。

耳。空空與控控同。博雅。控控誠也。

子曰鳳鳥不至。河不出圖。吾已矣夫。

**古**孔安國曰。聖人受命則鳳鳥至。河出圖。今天無此瑞。吾已矣夫。夫者。傷不得見也。河。圖八卦是也。**新**鳳靈鳥。舜時來儀。文王時鳴於岐山。河。圖。中龍馬負圖。伏羲時出。皆聖王之瑞也。已。止也。○張氏曰。鳳至。則夫子之文章。知其已矣。**古義**鳳靈鳥。舜時來儀。文王時鳴於岐山。河。圖。舊相傳。伏羲時。河中龍馬負圖。出。皆聖人之瑞也。已。止也。○邢氏曰。此章言孔子傷時無明君也。聖人受命。則鳳鳥至。河出圖。今天無此瑞。則明君無聖人也。故歎曰。吾已矣夫。傷不得見也。○孔子有君而無臣。時有矣。有臣而無君。時有矣。若使孔子遇堯舜之君。其能為唐虞之治。猶俯地而拾芥耳。奈其時當衰季。而無是君。倚夫。子言之者。蓋感慨之極。不能自已也。論曰。或曰。聖人不言祥瑞。此言鳳鳥。河圖。以歎時無明何也。曰。此非說祥瑞也。假鳳鳥。河圖。以歎時無明。



孔子又曰述而篇

主也蓋聖人與人而不以立異同世而不敢驚聽  
 凡事之無大得失者皆從舊套而不敢為紛紛之  
 說以汨人之聽聞鳳鳥河圖古來相傳以為  
 聖人御世之瑞故聖人假之以寓其歎焉耳  
**徵**鳳鳥不至河不出圖吾已矣夫邢昺曰傷時無  
 明君也得之孔子又曰聖人吾不得而見之矣亦  
 此意蓋鳳鳥河圖制作之瑞聖王出則孔子得當  
 制作之任而盡其所學聖王不出孔子不能竭其  
 才所以嘆也祇制作必在革命之世故孔子不欲  
 顯言之乃以鳳鳥河圖言之耳後世儒者昧乎聖  
 字之義故不知此意又歐陽脩破祥瑞之說其言  
 辯而如可觀殊不知聖人以神道設教豈凡人所

能識哉宋儒出而古先聖王之道壞矣其禍殆甚  
 於佛老悲哉

**子見齊衰者冕衣裳者與瞽者見之雖少必作過之必趨**

**古**包氏曰冕者冠也大夫之服瞽者盲也包氏曰作  
 起也趨疾行也此夫子哀有喪尊在位恤不成人  
**新**齊衰喪服冕冠也衣上服裳下服冕而衣裳貴  
 者之盛服也瞽無目者作起也趨疾行也或曰少  
 當作坐○范氏曰聖人之心哀有喪尊有爵矜不  
 成人其作與趨蓋有不期然而然者尹氏曰此聖  
 人之誠心內非外也  
**古義**齊衰喪服冕冠也冕而衣裳貴者之盛服也  
 瞽無目也作起也趨疾行也或曰少當作坐○范  
 氏曰聖人之心哀有喪尊有爵矜不成人其作與  
 趨蓋有不期然而然者此言聖人之仁無物不至



無時不然下師  
冕見章倣此

徵子見齊衰者句。冕衣裳者與瞽者見之句。何本見之屬下句。非也。有喪者多不來見人。故以見諸它處為辭。不言斬衰者。以輕包重也。冕衣裳盛服者也。古註曰。大夫之服。此固然。然此非貴爵矣。彼盛服來見。故起敬。不爾。何言冕衣裳乎。若必以大夫之服而起敬。則孔子亦嘗為大夫。雖大夫以燕服來見。何必起敬。彼盛服則吾起敬。禮當然也。瞽者謂師也。古者教人以禮樂。詔禮者謂之執禮者。詔樂者為瞽者。殷學曰瞽宗。可以見爾。故瞽者為

人師者也。故又謂之師。孔子所以起敬。是已。後世不知古。徒以為瞎子之稱。故舊註恤不成人。非也。恤而起敬。果何謂乎。少去聲。雖年少者。必起敬。朱註或曰。少當作坐。是必欲以坐對作。可謂昧乎古文辭。蓋見齊衰者。以見諸它處為辭。故曰過之必趨。冕衣裳者與瞽者見之。以來見為辭。故曰雖少必作。是互文見意。其實不拘。非識古文辭。亦不能讀已。

顏淵喟然歎曰。仰之彌高。鑽之彌堅。瞻之在前。忽焉在後。夫子循循然。善誘人。博我以文。約我以禮。欲罷



不能既竭吾才如有所立卓爾雖欲從之末由也已

古謂歎聲言不可窮盡言恍惚不可為形象循循次序貌誘進也言夫子正以此道勸進人有所序孔安國曰言夫子既以文章開博我又有禮節約我使我不欲罷而不能已竭我才矣其有所立則

又卓然不可及言已雖蒙夫子之善誘猶不能及夫子之所立

新謂歎聲仰彌高不可及鑽彌堅不可入在前在後恍惚不可為象此顏淵深知道無窮盡無方體而歎之也循循道雖高妙而教人有序也約禮教之序也言夫子道雖高妙而教人有序也

禮也程子曰此顏子稱聖人最切當處聖人教人惟此二事而已卓立貌末無也此顏子自言其學之所至也蓋悅之深而力之盡所見益親而又無所用其力也吳氏曰所謂卓爾亦在乎日用行事之間非所謂竊冥昏默者程子曰到此地位功夫尤難直是峻絕又大段著力不得大揚氏曰自可欲之謂善克而至於大力行之積也大而化之則非

力行所及矣此顏子所以未達一間也○程子曰此顏子所以為深知孔子而善學之間者也胡氏曰無上事而喟然歎此顏子學既有得故述其先道之故後得之由而歸功於聖人也高堅前後語道體也仰鑽瞻忽未領其要也惟夫子循循善誘先博我以文使我知古今達事變然後約我以禮使我尊所聞行所知如力者之赴家食者之求飽是以欲罷而不能盡心盡力不少休廢然後見夫子所立之卓然雖欲從之抑斯歎也已其蓋不怠所從

必求之乎卓立之地也抑斯歎也已其蓋不怠所從

違之時乎不

古義謂歎聲顏子喜得夫子之善誘而學問有所成就非歎高堅前後也鑽穿也仰之彌高不可及

也鑽之彌堅不可入也在前在後不可執之也此

顏子自叙其未受夫子之教之前徒不見道之至高

至堅恍惚變現無所擬而未曾得道之實處也循

循有次序貌誘進也博文以廣知也約禮以修德也

見壽周

養清閣

十一



參前倚衡之意未無也。顏子於是見道甚明而後知。夫子之道從容平易若易及而實不可以力到也。此顏子自叙其終身學問之履歷也。高堅前後言其初徒視道高遠而未得其實也。博文約禮言受夫子之教而學問始就平實也。欲罷不能以言其所自得也。凡天下之人資稟聰敏者必游心高遠用力艱深而不知道本在日用常行之間。平蕩蕩甚至近也。其卒也必為異端虛無寂滅之流。唯顏子資稟聰明又能擇乎中庸是以得領夫子之善誘而弗畔乎道。此其所以卒造於亞聖之地也。

**徵**顏淵喟然嘆雖無上事載在論語嘆孔子之不可及也。宋儒謂嘆道體是所嘆止在高堅前後殊不知包盡一章矣。仁齋謂喜得夫子之善誘而學問有所成就是所嘆止在後文殊不知雖欲從之

用之則行述而

孔子亦曰里仁

揚雄法言問神

末由也已。亦謂不可及也。則高堅前後亦謂不可及何別乎。且道體二字古所無也。宋儒專尚知見故有此言。殊不知用之則行舍之則藏。孔子即道。道即孔子。故孔門本無道體之說。志道者求諸孔子。孔子亦曰吾道一以貫之。揚雄曰顏子潛心孔子為得之矣。仁齋昧乎嘆字。嘆是嘆息豈容以喜解之乎。朱子曰仰彌高不可及鑽彌堅不可入見其高而仰之雖仰不見其絕頂故曰彌高用力而求入堅而不可入謂闔奧之不可到也。瞻之在前忽焉在後朱註恍忽不可為象本何註然此道體



之說終墮佛老仁齋曰不可執之也猶是道體之見殊不知二句謂夫子所為出已意外也故合四句皆謂孔子之不可及而不易窺已是潛心夫子不如遵夫子之教故次曰夫子循循然善誘人博我以文約我以禮博我者博我智見也約我者納我於道也文本合指詩書六藝則禮在其中此與禮對言則禮特謂守諸己者其實文非外禮而言之也欲罷不能既竭吾才即孔子所謂默而識之學而不厭何有於我哉同意祇此二句可見顏子隣孔子也如有所立卓爾見孔子之所立也何註

孔子所謂述而

朱註皆得之仁齋以為見道甚明依舊道體之見已雖欲從之末由也已言孔子之終不可及也是顏子深知孔子之所立也如侯氏胡氏以格物致知知古今達事變釋博文皆宋儒不知學也仁齋以高妙平實為說亦子思以後之說也要皆非顏子時意學者察諸又徒潛心孔子雖顏子亦不能學孔子必遵孔子之教而後見其所立則後世學者欲學聖人而不遵聖人之教法徒以其心學之安能得之乎

子疾病子路使門人為臣病間曰久矣哉由之行詐



也無臣而為有臣吾誰欺欺天乎且予與其死於臣之手也無寧死於二三子之手乎且予縱不得大葬予死於道路乎

**古**包氏曰疾甚曰病鄭玄曰孔子嘗為大夫故子路欲使弟子行其臣之禮孔安國曰小差曰間言子路久有是心非今日也馬融曰無寧寧也二三子門人也就使我有臣而死其手我寧死於弟子之手乎孔安國曰君臣禮葬馬融曰就使我不得以君臣禮葬有二三子在我寧當憂棄於道路乎新夫子時已去位無家臣子路欲以家臣治其喪其意實尊聖人而未知所以尊也病間少差也病時不知既差乃知其事故言我之不當有家臣人皆知之不可欺也而為有臣則是欺天而已人而欺天莫大之罪引以自歸其責子路深矣無寧寧也大葬謂君臣禮葬死於道路謂棄而不葬又曉之以不必然之故○范氏曰曾子將死起而易簣曰吾得正而斃焉斯已矣子路欲尊夫子而不知

曾子想手又奏

無臣之不可為有臣是以陷於行詐罪至欺天君子之於言動雖微不可不謹夫子深懲子路所以警學者也楊氏曰非知至而意誠則用智自私不知行其所無事往往自陷於行詐欺天而莫之知也其子路之謂乎

**古義**孔子嘗為魯大夫故子路欲使弟子為家臣而治其喪少差曰間言臣之有無皆人之所知今無臣而為有臣非欺人是欺天也甚言其罪之大也無寧寧也馬氏曰就使我不得以君臣禮葬有二三子在我寧當憂棄言其自安之意以明不願得非禮之葬也此言聖人之心至誠明白一言之微一事之細俯仰天地無所愧怍素其位而行不願其外死生患難無入而不自得也但其言平易和緩無迹可尋可見其道愈高而其德愈大也

**徵**子路使門人為臣鄭玄曰子路欲使弟子行其臣之禮欲字可刪蓋子路既使為臣孔子病間而



曾子啓手足泰伯篇

悟之故曰久矣哉何註子路久有是心非今日也非矣按後世學者尚義自無此過古之學者尚禮子路亦以禮大夫有臣而欲孔子之葬備大夫之禮耳其過在泥禮而未達豈可深咎乎此不特子路其它門人皆有是惑故孔子深責之所以喻之也後世儒者由此輕視子路亦坐不知古學耳又按是時子路猶在焉則孔子不以此時卒也以此觀之曾子啓手足亦未必曾子以此時卒也而宋儒謂論語記曾子臨終之言未深思耳

子貢曰有美玉於斯韞匱而藏諸求善賈而沽諸子

曰沽之哉沽之哉我待賈者也

**古**馬融曰韞藏也匱匱也藏諸匱中沽賣也得善賈寧肯賣之邪包氏曰沽之哉不銜賣之辭我居而待賈

**新**韞藏也匱匱也沽賣也子貢以孔子有道不仕故設此二端以問也孔子言固當賣之但當待賈而不當求之耳○范氏曰君子未嘗不欲仕也又惡不由其道士之待禮猶玉之待賈也若伊尹之耕於野伯夷太公之居於海濱世無成湯文王則終焉而已必不枉道以從人銜玉而求售也  
**古義**韞藏匱匱也子貢以孔子有道不仕故設此二端以問之也朱氏曰言固當賣之但當待賈而



子曰隱居以求其志行義以達其道記曰儒有席上之珍以待聘皆待賈之謂而學者之本分也若夫韞匱而藏者乃異端之流猶介之士所好而非儒者之道也

**徵善賈者賈人之善者也賈音古何註蓋亦爾自邢昺以為善價而朱子因之音嫁殊不知善琴善笛及良農良工一類語當謂賈人未聞貴價謂之善價可謂謬矣求良賈謂求先容之人也待賈亦待人之先容也甚當求價待價語殊未穩且鄙俚甚豈君子之言乎且聘禮執玉必有賈人從之是玉難識故必待賈人古之道也按蔡邕石經沽諸沽之哉皆作賈可見賈發平聲即沽已**

詳于儀禮聘禮

**子欲居九夷或曰陋如之何子曰君子居之何陋之有**

**古**馬融曰九夷東方之夷有九種馬融曰君子所居則化

**新**東方之夷有九種欲居之者亦乘桴浮海之意君子所居則化何陋之有

**古義**九夷未詳其種徐淮二夷見經傳若我日東後漢書已立傳及扶桑朝鮮等名皆見于史傳夫

子所謂九夷者恐當指此類夷狄之地嘗有君子而偽故或人以為陋也言彼九夷之地嘗有君子而

居則必是不若或人之所稱彼所謂陋者反是忠實之所致必不凡陋也○按禮載孔子之言曰小

連大連善居喪東夷之子也○又古稱東方有君子之國則夫子之語蓋據其實而稱之舊解以為君

子所居則化非也如此則夫子有自居君子之位之嫌也論曰夫子嘗曰夷狄之有君不如諸夏之

亡也由此見之夫子寄心於九夷久矣此章及浮海之歎皆非偶設也夫天之於所履地之所載鈞是

人也苟有禮義則夷即華也無禮義則雖華不免為夷舜生於東夷文王生於西夷無嫌其為夷也



九夷雖遠固不外乎天地亦皆有秉彛之性况朴則必忠華則多偽宜夫子之欲居之也吾太祖開國元年實丁周惠王十七年到今君臣相傳綿綿不絕尊之如天敬之如神實中國之所不及夫子之餘歲吾日東國人不問有學無學聖人既二千有餘歲而宗吾夫子之道則豈可不謂聖人之道包乎四海而不棄又能先知千歲之後乎哉

**徵**子欲居九夷馬融曰九夷東方之夷有九種邢昺引東夷傳畎夷于夷方夷黃夷白夷赤夷玄夷風夷陽夷又玄菟樂浪高麗滿節息夷索家東屠倭人天鄙仁齋因之又疑為日本此自諛言不容辨說竊疑九夷必是一夷猶如大湖名五湖不爾欲居九夷何其言之漫也且此必孔子經過其

淮安府贛榆縣孔望山地志

得見君子者斯可矣述而篇

地因欲居之不爾當欲適九夷而曰欲居其非遙望者審矣贛榆有孔望山相傳孔子適郊登此乃東夷地恐是即九夷君子居之何陋之有馬融曰君子所居則化文意極是仁齋乃謂東方有君子國故曰君子居之不容孔子自稱君子以濟其諛殊不知何陋之有語意不相承適見其不識文辭已且君子士大夫通稱孔子未嘗避之但得見君子者斯可矣指人君耳若夫吾邦之美外此有在何必傳會論語妄作無稽之言乎夫配祖於天以神道設教刑政爵賞降自廟社三代皆爾是



夫聖人之道

吾邦之道。即夏商古道也。今儒者所傳。獨詳周道。遽見其與周殊。而謂非中華聖人之道。亦不深思耳。自百家競起。孟子好辯而後。學者不識三代聖人之古道。悲哉。

子曰吾自衛反魯然後樂正雅頌各得其所

**古**鄭玄曰。反魯哀公十一年冬。是時道衰。樂廢。孔子來還。乃正之。故雅頌各得其所。**新**魯哀公十一年冬。孔子自衛反魯。是時周禮在。魯然詩樂亦頗殘缺。失次。孔子周流四方。參互考訂。以知其說。晚知道終不行。故歸而正之。**古義**魯哀公十一年冬。孔子自衛反魯。是時周禮在。魯然詩樂頗殘缺。失次。孔子周流四方。參互考訂。以見教之所由始也。論曰。德隆則人尊。人尊則

言傳夫雅頌之叙

言傳夫雅頌之叙。雖非孔子或亦可能之。然在孔子則傳在他。人則否。詩書之行。至于與天地並立。而不墜焉。則夫子之功。豈不偉乎。然詩書易之名。初見於魯論。而孟子獨言作春秋。其定書傳禮記。繫易之說。未有明據。蓋司馬遷輩以著述見聖人。而未始知夫子之道。猶日月之繫天。而不關剛柔之。功故叨云耳。夫子未開教之前。猶水之在於地中。其一開教之後。附託有人。傳相續。猶泉源之經。疏鑿之功。流派混混。不舍晝夜。放於四海也。豈待著述之功哉。

徵樂正雅頌各得其所詩風雅頌唯雅頌播諸樂

風唯二南與頌同。豳風有雅頌。其它皆徒歌。此言雅頌。則南豳在其中矣。故此章主樂言之。蓋先是雅頌之聲。或混孔子正之。而後各得其所也。朱註不識此義。詩樂並言。非也。鄭玄曰。反魯哀公十一



年冬。是時道衰樂廢。孔子來還。乃正之。故雅頌各得其所。此蓋古來相傳之說。後儒不識。妄作新解。豈不謬乎。仁齋論此章。而謂雅頌之叙。它人或能之。然在孔子則傳。在他人則否。德隆則言傳。司馬遷輩以著述視聖人。而未知夫子之道。猶日月之繫天。而不關刪述之功。此誠竒論。然其人好奇而昧乎事。要之理學之歸耳。殊不知孔子之前。六經無書。書唯書耳。故謂之書。詩存諷咏。禮樂皆在人。故子貢曰。文武之道。未墜於地。在人。賢者識其大者。不賢者識其小者。孔子周流四方。訪求具至。然

子貢曰子張篇

戴記雜記

後門弟子傳其書。故戴記云。士喪禮於是乎書。可。以見已然其在人者。非孔子孰識其真。故中庸曰。苟不至德。至道不凝。故雖有堯舜禹湯文武。微孔子。其道泯滅。弗傳。所以傳者。以孔子也。後儒不察。妄謂孔子之前。亦有六經。孔子刪述而已。又孔子而後。諸子紛然著作。皆倣孔子。而其書汗牛充棟。藉是仁齋輩輕視著作者。不識孔子之世。徒以今世視之。故也。且其人獨尊論語。而輕六經。坐是不欲獨以刪述稱孔子。可謂強已。

子曰。出則事公卿。入則事父兄。喪事不敢不勉。不為



酒困何有於我哉

古馬融曰困亂也

新說見第七篇然此則其事愈卑而意愈切矣

古義此言出而事入即子弟之職喪事人倫之本

最不可不勉不為酒困又不足為難皆夫人之所

能此外別無可稱何德有於我哉說又見第七篇

其智愈大則自處愈卑而其言愈謙實知道之無

窮也於是益見夫子之所以為大也

**徵**出則事公卿入則事父兄古註無解朱子以為

孔子自謙之言此不知而妄為之解者也出則事

公卿入則事父兄與邇之事父遠之事君語勢正

同朱子乃以為與入則孝出則弟同義果爾何無

邇之事父陽貨篇

三子言志先進篇

孝弟之字且公卿連言乃王國之辭若在魯則公

是君卿是臣豈容連言蓋論語之書門弟子以意

記之故有有序者有無序者如三子言志章序其

事甚詳其它有所為之言及如此章省略無序是

本出門弟子一時筆故千載之下難識其所由者

極多矣如此章孔子贊禮勸人學禮之言也出則

事公卿以之入則事父兄以之禮之在喪品節甚

詳由之而行自然不敢不勉獻酬之禮終日百拜

自然不為酒困皆無容我力禮之力也故曰何有

於我哉

見壽朋

集解卷之九

二十六



子在川上曰逝者如斯夫不舍晝夜

古包氏曰逝往也言

凡往也者如川之流

新本天地之化往者過來者續無一息之停乃道體

之發以示人欲學時時省察而無毫髮之間斷也

○程子曰此道體也天運而不息以君子法之自強不息及

往則晝夜未嘗已也是以君子法之自強不息及

運乎晝夜未嘗已也是以君子法之自強不息及

其至也純亦不已焉又曰自漢以來儒者皆不識

此義也此見聖人之心純亦不已也純亦不已乃天

德也自有天德便可語王道其要只在謹獨

愚按自此至終篇皆勉人進學不已之辭

古義逝往也謂日進而不已也此言君子之

德日新而不息猶川流之混混不已也論曰孟子之

後進夫子稱水之意曰原泉混混不舍晝夜盈科而

夜智有於其身而終身用之不竭猶川流之不捨晝

夜日新而無窮故曰日新之謂盛德夫子取水之

意蓋如此或曰孔子之稱水其旨微矣孟子特因

門人之病而藥之非也孟子取喻流水不一而足

蓋其常言而述夫子之旨云爾

豈皆因門人之病而發之邪

**徵**逝者如斯夫不舍晝夜何註包曰逝往也言凡

往也者如川之流邢昺疏孔子感嘆時事既往不

可追復也漢至六朝詩賦所援皆止斯義無復異

說蓋孔子嘆年歲之不可返以勉人及時用力或

於學或於事親或於拮据國家皆爾至於宋儒始

以道體解之殊失逝字義是其人徧性理談精微

欲於論語中見斯意而不可得矣故穿鑿為之爾

且其意謂嘆年歲之不可返者常人之情也君子

君子無入而不自得焉中庸

見壽月

集賢卷之九

二十八



自謂中道  
皆無人而不

易乾象曰天行  
健君子以自強  
不息

無入而不自得焉。則不當有此嘆也。吁。聖人亦人耳。豈遠人乎。且固執中庸之言乎。則聖人之喪親。豈自得乎。故曰。彼一時也。此一時也。中庸乃言道之無不可行耳。夫宋儒道體之說。乃據易乾健及中庸至誠無息。而引誠者天之道也。以成其說是已。夫健以釋乾耳。豈可以盡於天乎。健恃天之德也。段使天唯以健為其德。則天之德亦小矣哉。中庸之誠。性之德也。性稟諸天。故曰天之道也。本非以誠為天之德矣。至誠無息。亦謂習以成性。則無息已。子思之意。在語學問之道。而不論天道也。

宋儒之學。理氣耳。貴理而賤氣。氣有生滅。而理無生滅。是其道體之說。豈不佛老之遺乎。又謂氣有形。而理無形。故以道之粲然者。皆為氣之所使。而欲執一無色相者。以御之。是其道體之說。所以興亦豈不佛老之遺乎。至於仁齋引孟子以求勝宋儒。亦豈識逝字乎。

子曰。吾未見好德如好色者也。

古疾時人薄於德而厚於色。故發此言。○善也。天下豈真無好德之  
新謝氏曰。好好色。惡惡臭。誠也。好德如好色。斯誠好德矣。然民鮮能之。○史記孔子居衛。靈公與夫人同車。使孔子為次。乘招搖。市過之。孔子醜之。故有此言。



古義學而至於好德則其學已實矣然無真好者夫子之所以歎也其苟好德如好色則學之也真得之也實始不負聖賢之言矣

子謂南容憲問篇

**徵**吾未見好德如好色者也天下豈果無好德之人乎子謂南容尚德哉若人可以見已故此有所為之言朱註引史記為是但好德者好有德之人也後儒不識古言謝氏曰好好色惡惡臭誠也好德如好色斯誠好德矣然民鮮能之鮮能字本諸中庸分明失之古來好色之君不好賢好賢之君不好色二者每每相反自然之符也故孔子云爾大氏孔子之言多為人君言之者焉後世窮措大

之解遂失之爾

**子曰譬如為山未成一簣止吾止也譬如平地雖覆一簣進吾往也**

古包氏曰簣土籠也此勸人進於道德為山者其功雖已多未成一籠而中道止者我不以其前功多而善之見其志不遂故不與也馬融曰平地者將進加功雖始覆一簣我不以其功少而薄之據其欲進而與之新簣土籠也書曰為山九仞功虧一簣夫子之言蓋出於此言山成而但少一簣其止者吾自止耳平地而方覆一簣其進者吾自往耳蓋學者自彊不息則積少成多中道而止則前功盡棄其止其往皆在我而不在人也

古義簣土籠也朱氏曰言山成而但少一簣其止者吾自止耳平地而方覆一簣其進者吾自往耳



書旅蔡言朱註引之

請事斯語顏淵篇先王法言已見

蓋學者自強不息則積少成多中道而止則前功盡棄其止其往皆在我不在人也○天下之事進退之差雖小而成壞之跡甚大纔進則雖未遽成然成之機已著纔退則雖未驟壞然壞之端已萌其進其止皆在已而已耳可不勉哉

**徵**譬如為山蓋孔子解書之言詩書禮樂先王四術孔子當有解詩書之言其自言亦多稱引古語觀顏淵仲弓請事斯語可以見已故曰非先王之法言不敢道也人多不知此意此下五章以類錄之

子曰語之而不惰者其回也與

**古**顏淵解故語之而不惰餘人不解故有惰語之時

**新**惰懈怠也范氏曰顏子聞夫子之言而心解力行造次顛沛未嘗違之如萬物得時雨之潤發榮滋長何有於惰此羣弟子所不及也

**古**義惰懈怠也夫子之言一也聞之而有惰有不惰正在於信道之篤與否耳今讀夫子之語乍作乍輟若存若亡者非惟志倦氣餒之所致實信道不篤故也苟心之悅道猶口之悅芻豢則何有於惰

說徵無

子謂顏淵曰惜乎吾見其進也未見其止也

**古**包氏曰孔子謂顏淵進益未止痛惜之甚

**新**進止二字說見上章顏子既死而孔子惜之言其方進而未已也

**古**義朱氏曰顏子既死而夫子惜之言其方進而未已也人之於學其止多而其進少若顏子之方



進而不已非全智仁勇  
之德者則不能大哉

子曰苗而不秀者有矣夫秀而不實者有矣夫

古孔安國曰言萬物有生

新穀之始生曰苗吐華曰秀成穀曰實蓋學

古義猶穀之始生曰苗吐華曰秀成穀曰實此以穀

譬學猶周詩所謂比者勉人之及時而進脩以期

其成也况乎未苗以為既秀未秀以為既實者學

者之通患也

子曰後生可畏焉知來者之不如今也四十五而

無聞焉斯亦不足畏也已

古後生謂年少

新孔子言後生年富力彊足以積學而有待其勢

可畏安知其將來不如我之今日乎然或不能自

勉至於老而無聞則不足畏矣言此以警人使及

時勉學也曾子曰五十而不以善聞則不聞矣蓋

述此意尹氏曰少而不勉老而無聞則亦已

矣自少而進者安知其不至於極乎是則可畏也

古義言後生雖年少然自彊不止則其勢不可禦

焉豈容謂將來之賢者不如今乎然不能自勉至

於老而無聞則亦不足畏言此以警人使及時自

勉也此戒人方年富力彊之間當夙興夜寐惕厲

勤勉苟悠悠歲月至於老大則徒自悔焉而不可

及故為學者苟不及時而勤則猶草木當發生之

時而欠灌培之功雖未遽枯槁然深慮也

徵四十曰彊仕五十而爵故四十五德立名彰

四十曰強仕禮  
記內則

見禮記

卷之九

三十一



之時也。

子曰。法語之言。能無從乎。改之為貴。異與之言。能無說乎。繹之為貴。說而不繹。從而不改。吾未如之何也。已矣。

古孔安國曰。人有過。以正道告之。口無不順。從之。能必自改之。乃為貴。馬融曰。異。恭也。謂恭孫謹敬之。能尋繹行之。無不說者。其不。能尋繹行之。乃為貴。而。新法語者。正言之也。異言者。婉而導之也。繹。尋其緒也。法言。人所敬憚。故必從。然不改。則面從而色。異言。無所乖忤。故必悅。然不繹。則又不足以知其微意之所在也。○楊氏曰。法言。若孟子論行。王政之類是也。異言。若論好貨好色之類是也。語之而不達。拒之而不受。猶之可也。其或喻焉。則尚庶幾其能改繹矣。從且說矣。而不知改繹焉。則則是終不改繹也。已。雖聖人。其如之何哉。

樂語合語已見

古義法語禮法之語。人不能不從。然不改焉。則無益。故改之為貴。異與遜順而與也。異言。順人之意。而導之。故莫不說。憚然不尋繹之。則莫知其意之所在。故繹之為貴。言非遂過成。而無可復望也。未如之何也。已矣。者。舍之。辭所以甚警學者也。不從法語。不說。異與者。不可與言者。而固不足論矣。其或雖從。且說。而不知改繹焉。則與夫不從不說者。同其歸。可不戒乎。

子曰。主忠信。無友不如己者。過則勿憚改。

古慎所主。友有過。務改。皆所以為益。  
新重出而。  
逸其半。  
古義重出。



子曰三軍可奪帥也匹夫不可奪志也

說無  
**古** 孔安國曰三軍雖衆人心不一則其將帥可奪而取之匹夫雖微苟守其志不可得而奪也  
**新** 侯氏曰三軍之勇在人匹夫之志在己故帥可奪而志不可奪如可奪則亦不足謂之志矣  
**古義** 此言人之不可無志也夫三軍雖衆人心不一則其帥可奪而取之匹夫雖微苟守其志則不可得而奪也志之可尚也如此○黃氏榦曰共姜一婦人也而以死自誓其志之不可奪如此况志於仁志於道可得而奪乎

**徵** 三軍可奪帥也匹夫不可奪志也此為人君而言之欲其不侮匹夫匹婦焉後儒不知誤謂欲學者之立其志儻侗哉

子曰衣敝緼袍與衣狐貉者立而不恥者其由也與不伎不求何用不臧子路終身誦之子曰是道也何足以臧

**古** 孔安國曰緼臬著馬融曰伎害也臧善也言不伎害不貪求何用為不善疾貪惡伎害之詩馬融曰臧善也尚復有美於是者何足以為善  
**新** 敝壞也緼臬著也袍衣有著者也蓋衣之賤者狐貉以狐貉之皮為裘衣之貴者子路之志如此則能以貧富動其心而可以進於道矣故夫子稱之伎害也求貪也臧善也言能不伎不求則何為不善乎此衛風雄雉之詩孔子引之以美子路也呂氏曰貧與富交彊者必伎弱者必求終身誦之則自喜其能而不復求進於道矣故夫子復言此以警之○謝氏曰恥惡衣惡食學者之大病善心不存蓋由於此子路之志如此其過人遠矣然以衆人而能此則可以為善矣子路之賢宜不止



此而終身誦之則非所以  
進於日新也故激而進之  
**古義** 緼泉著也緼袍衣之賤者狐貉裘之貴者言  
子路之志如此則能以貧富動其心可知矣  
害求貪臧善也言能不伎不求則何為不善乎此  
衛風雄雉之詩孔子引之以美子路也夫子恐子  
路或有其善故言是道當然也何足以為善輔氏  
而欲取之也是皆為事物之所累者也求者恥己之無  
一無所累焉則何往而不善哉然義理無窮此特  
一事之善若遽自以為喜則不復求進於道蓋喜  
心生於自足而怠心生於自喜故夫子又言此以  
警之

**徵** 不伎不求當別為一章子路誦此詩而孔子抑  
之是別事已孔子之於子路或稱或抑所以成材  
也故聯而記之俾學者知孔子教育英材之意朱

無改父之道里  
仁篇

子不知而謂孔子引詩而美子路非也是道也指  
詩而言猶云此詩未足以為臧也與下未之思也  
同例蓋詩書禮樂皆先王之道也故一言片句皆  
稱為道古言為爾自老氏說大道而後儒者特拈  
道字尊大之其意非不美矣然古言終微如三年  
無改父之道道字學者難其解亦坐不識古言故  
也

子曰歲寒然後知松栢之後彫也

**古** 大寒之歲衆木皆死然後知松栢小彫傷平歲  
則衆木亦有不死者故須歲寒而後別之喻凡人  
處治世亦能自修整與君子同在  
濁世然後知君子之正不苟容

禮記

卷之八

三十一



**新**范氏曰小人之在治世或與君子無異惟臨利害遇事變然後君子之所守可見也○謝氏曰士窮見節義世亂識忠臣欲學者必周於德

**古義**此言君子之在平世或與小人無異惟臨利害遇事變然後君子之所守可見也由是觀之君子之在亂世不待賢者而後知之唯方其在平世自能知其為君子而後謂之明也

**徵**何晏曰大寒之歲衆木皆死然後知松栢小彫傷平歲則衆木亦有不死者故須歲寒而後別之

新註無解故特標之世主多悅小人之易使而謂君子不必勝人故孔子有此言

子曰知者不惑仁者不憂勇者不懼

**古**包氏曰不惑亂孔安國曰無畏懼

**新**明足以燭理故不惑理足以勝私故不憂氣足以配道義故不懼此學之序也

**古義**此贊智仁勇之為達德也知者達理故不惑仁者心寬故不憂勇者為善斷故不懼此三者道德之全體而學問之要領也論曰中庸曰智仁勇三者天下之達德也可見外此更無可成德達材者也故聖人舉此三者而使學者由此而行之蓋本於知全於仁決於勇固為學之次第成德之全體始終本末盡矣先儒專以大學篇為古人為學之次第而論孟次之者誤矣

**徵**知者不惑仁者不憂勇者不懼此孔子稱成德

之人也朱註以為學之序蓋本諸中庸然中庸言達德與此不同達德者謂德之通衆人皆有之者

非謂知者仁者勇者也或以此知者在先仁者在次為說是據安仁利仁而固執仁者優知者耳殊

或說大全朱子

安仁利仁里仁

無如父之遊里



不知德各以性殊。知者仁者亦隨其性以成德已。夫仁知皆大德。故有時乎知在仁上。或可固執乎。如管仲。固孔子許其仁。然非桓公知而任之。安能成其仁。桓公為管仲君。是知之德亦大矣。豈必亞仁。大氏宋儒不知孔子之道為先王治天下之道。故其論仁知亦不知從治天下上起見。所以鑿也。知者所見明。是以不為物眩惑。故曰不惑。朱註。明足以燭理。仁齋曰。達理。理學哉。夫言理則更有事。有人情。有時勢。豈理之所能盡乎。仁者不憂。朱註。理足以勝私。是其渾然天理之說耳。仁齋曰。仁者

義本孟子據盡心上篇首端數章

心寬故不憂。可謂不識其解已。夫仁者有長人安民之德者也。故仁人以安民為心。以安民為心者。事天者也。事天者樂天。故不憂。是義本諸孟子。誠孔門傳授之說也。後儒不知仁為安民之德。而安民本於敬天。故於仁者不憂。不得其解耳。勇者不懼。無須乎解。仁齋曰。善斷故不懼。一端哉。

子曰。可與共學。未可與適道。可與適道。未可與立。可與立。未可與權。

**古**適之也。雖學或得異端。未必能之道。雖能之道未必能有所立。雖能有所立。未必能權量其輕重。極之。



新可與者言其可與共為此事也程子曰可與者  
學知所以求之也可與適道知所以往也○物而輕  
篤志固執而不變也權稱錘也所以稱物而輕  
重者也可與權謂能權輕重使合義也○楊氏曰  
知為己則可與共學矣學足以明善然後可與適  
道信道篤然後可與立知時措之宜然後可與適  
洪氏曰易九卦終於巽以行權權者聖人之大用  
未能立而言權猶人未能立而欲行鮮不仆矣程  
子曰漢儒以反經合道為權故有權變權術之論  
皆非也權只是經也自漢以下無人識權字愚按  
先儒誤以此章連下文偏其反而為一章故有反  
經合道之說程子非之是矣然以孟子嫂溺援之  
以手之義推之則  
權與經亦常有辨  
古義可與者許其人之辭未可與者難其事之辭  
程子曰可與共學知所以求之也可與適道知所  
往也可與立者篤志固執而不變也權稱錘也所  
以稱物而知輕重者也○可與權謂能權輕重使合  
義也楊氏曰知為己則可與共學矣學足以明善  
然後可與適道信道篤然後可與立知時措之宜

然後可與權論曰漢儒以禮字對不可以經字對孟子曰  
權非也權字當以禮字對不可以經字對孟子曰  
男女授受不親禮也嫂溺援之以手者權也蓋禮  
有言一定之則而權制其宜者也故孟子以權對禮  
而言不合道殊不知經即道也既反經焉能合道天  
下之所同然之謂道制一時之宜之謂權湯武之  
放伐蓋順天下之心而行之誅一夫紂矣非弑君  
也乃仁之至義之盡而非制一時之宜者故當  
謂之道而不可謂之權也先儒又謂權非聖人不  
可用尤非也夫權學問之至要道之不可無權也  
猶臨敵之將應變制勝操舟之工隨風轉柁若否  
則必覆師而致溺矣故謂權不可輒用則可矣謂  
非聖人不可用則不可也孟子曰執中無權猶執  
一也言學之  
不可無權也  
徵可與共學謂信道者也未可與適道謂雖信道  
其志止一經一藝者也可與適道者謂其志大而



三十而立為政  
篇  
四十曰強禮記  
內則

求至於先王之道者也。立如三十而立。謂學之成也。權如四十曰強。發謀出慮。謂成而能用之也。如程子篤志固執而不變。楊氏知時措之宜。皆不知倫之言耳。宋儒以權為聖人之大用。仁齋先生譏之是矣。又引孟子。譏漢儒反經合道。而謂權當以禮對。亦是矣。祇如謂經即道也。殊未然。蓋經者以持緯言。是道之大綱處。如為天下國家有九經。是也。至於以湯武放伐為道者。則大不然矣。何者。湯武聖人也。聖人者。道之所出也。孔子曰。畏聖人之言。言猶畏之。况其所為乎。故孔子而上。無論聖人

為天下國家有  
九經中庸

畏聖人之言季  
氏篇

誅一夫紂孟子  
梁惠王篇

者。夫湯武者。開國之君也。開國之君。配諸天。舉一代之人。尊而奉之。孰敢間之。戰國時。諸子興而後。有非薄聖人者。是天下之罪人也。孟子生其時。欲以口舌勝之。遂有誅一夫紂之說。湯武豈孟子所私哉。孟子不自揣。妄謂我道之祖。務欲分疏其為聖人。是其過也。爾後世有論湯武放伐者。昉孟子也。故漢儒以為權。仁齋以為道。皆僭妄已。唐棣之華。偏其反而。豈不爾思。室是遠而。子曰未之思也。夫何遠之有。

**古**逸詩也。唐棣移也。華反而後合賦。此詩者以言權道。而後至於大。順思其人而不自見者。其室



遠也。以言思權而不得見者其道遠也。夫思者當  
 思其反。反是思權。所以為遠。能思其反。何遠之有。  
 言權可知。唯斯不知思耳。  
 新。之。有。次。序。也。偏。語。助。也。此。逸。詩。也。於。六。義。屬。興。  
 上。兩。句。無。意。義。也。以。起。下。兩。句。之。辭。耳。其。所。謂。爾。  
 亦。不。知。其。何。所。指。也。夫。子。借。其。言。而。反。之。蓋。前。篇。  
 仁。遠。乎。哉。之。意。○。程。子。曰。聖。人。未。嘗。言。易。以。驕。人。  
 之。志。亦。未。嘗。言。難。以。阻。人。之。進。但。曰。未。之。思。也。夫。  
 何。遠。之。有。此。言。極。  
 有。涵。蓄。意。思。深。遠。  
 古。義。何。氏。曰。逸。詩。也。唐。棣。移。也。華。反。而。後。合。朱。氏。  
 曰。偏。晉。書。作。翻。言。華。之。搖。動。也。而。語。助。也。愚。按。角。  
 弓。之。詩。又。有。翻。其。反。矣。之。句。則。從。晉。書。為。是。上。兩。  
 句。無。意。義。但。以。起。下。句。之。辭。耳。夫。子。借。詩。之。言。而。  
 反。之。曰。道。甚。近。其。以。為。遠。者。未。之。思。也。夫。子。嘗。曰。  
 仁。遠。乎。哉。我。欲。近。其。以。為。遠。者。未。之。思。也。夫。子。嘗。曰。  
 人。不。可。以。為。道。皆。言。道。之。甚。近。也。蓋。道。外。無。人。  
 外。無。道。聖。人。之。設。教。也。因。人。以。立。教。而。不。立。教。以。

驅人亦何遠之有。第不知道者自以為高為美。  
 為若升天然故視道甚遠而人益難入。憫哉。  
**徵**唐棣之華。朱子別為一章。引晉書偏作翩為是。  
 子曰以下。孔子解詩之言。古之解詩。豈解其辭哉。  
 詩辭豈難解哉。觀此章。則於古人學詩之方。思過  
 半矣。



論語徵集覽

卷之九

四十一

論語徵集覽卷之九終

半矣

<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>	<p>子曰心何事也</p>
---------------	---------------	---------------	---------------	---------------	---------------	---------------	---------------	---------------	---------------



